

唐後莊宗明宗

竹居攷廬

全唐文
卷一百五之二百七

蘇莊宋明宗

竹居叢書

全唐文卷一百四十四

欽定全唐文卷一百五目錄

後唐莊宗三

答諫官請不幸汴州批

答兩省諫官請不幸汴州批


平汴州大赦德音

減膳宥罪德音

賜錢鏐吳越國王冊文

改元同光赦文

南郊赦文



曉諭梁將王檀書

諭兗鄆羣盜書

讓契丹阿保機書

禡牙文

欽定四庫全書

欽定四庫全書

欽定全唐文卷一百五

後唐莊宗 三

答諫官請不幸汴州批

朕以四海雖寧五兵不可不訓聚之王室務壯神京其如
人賴餼糧馬資藁秸飛輓動勞於四達經謀全繫於有司
近以水潦爲災租賦失額欲巡方岳貴便兵民卿等細察
輿情備陳忠懇慮沸騰於物議俾鎮靜於宸居載覽封章
深誠嘉畫

答兩省諫官請不幸汴州批

忽披諫疏深沃朕心非因讜直以上聞豈致焦勞之外達卿以餽運不繼軍食有虧在京則廩食闕如支計則供頓莫備卿等若別陳意見動叶機宜倘得稍濟軍儲不移警蹕即當旁詢衆懇盡述良籌佇聞放赦浣予宵旰

平汴州大赦德音

仗順討逆少康所以誅有窮績業承基光武所以滅新莽咸以中興景命再造皇猷經綸於草昧之中式遏於亂略之際朕以欽承大寶顯荷鴻庥雖繼前修罔慙涼德此以誓平元惡期復本朝屬四海之帖危允萬邦之推戴近

親提組練徑掃氛妖振已墜之皇綱殄偷安之寇孽國讎
方雪帝道爰開拯編氓覆溺之艱救率土倒懸之苦粵自
朱溫搆逆友貞嗣凶篡殺二君隳殘九廟虺毒久傷於宇
宙狼貪肆噬於華夷剝喪元良凌辱神主帝里動黍離之
歎朝廷多棟橈之危棄德崇姦窮兵黷武戰士疲勞於力
役蒸民耗竭其膏腴言念於斯軫傷彌切今則已梟逆豎
大豁羣情覩厯數之有歸顯神靈之匪昧得不臨深表志
馭朽爲懷將宏濟於艱難宜特行於眚宥應僞命流貶責
授官等已經量移並可復資徒流人放歸鄉里京畿及諸

道見禁囚徒大辟罪降從流流已下並赦除之其鄭珏等
一十一人未在移復之限懋德賞功百王明訓䟽封列爵
國有通規應扈從征討將校及諸官員職掌軍將節級馬
步兵士及河北諸處屯駐守戍兵士等皆情堅破敵業茂
平讎副予戡定之謀顯爾忠勤之節並據等第續議獎勵
其有交鋒戰陣沒於王事未經追贈者各與贈官如有子
孫成立堪任使者並量才甄錄叛之則懲服之則捨蓋前
經之奧旨爲當代之通規旣屬纂承是務遵守應舊僞戶
位居藩翰任處專城或掌握兵權或捍防邊鄙各爲其子

以全其名旣解甲以歸明或飛章而送款變通斯覩忠節
可嘉其逐處節度觀察防禦團練等使及諸州刺史監押
及僞庭先差出行營將校都監等並頒恩詔不議改更仍
許且稱舊銜當候別加新命理國之道莫若安民勸課之
規宜從薄賦庶遂息肩之願冀諧鼓腹之謠應諸道尸口
宜並罷其差役各務營農所係殘欠稅賦及諸務懸欠積
年課利及公私債負等其汴州城內自收復日已前並不
在徵理之限應天下諸道自壬午年十二月已前並放其
兵戈蹂躪之地水旱災沴之鄉苗稼不登賦徵旣減應今

年霜旱所損田苗處檢覆不虛便據畝隴蠲免兼北京及河北先爲祆祲未平配買征馬如有未請却官本錢及買馬不迨者可並放免往哲宏仁有興滅繼絕之道前王惻隱垂矜孤恤寡之文應有本朝宗屬及内外文武臣寮被朱溫無辜屠害者並可追贈之如有子孫及本身逃難於諸處漂寓者並所在尋訪津送闕庭當行升陟其有義夫節婦孝子順孫並宜旌表門閭量加賑給或鰥寡孤獨無所告者仰所在各議拯救或有身過八十者免一子從征殷王以恩推解網並務好生帝堯以引過責躬乃思含垢

應有先投過僞庭將校官吏等一切不問事由無令輒有
恐動側席求賢將臻至理懸旌進善或贊鴻猷應名德有
稱才藝可取或隱居朝市或遁迹林泉並仰逐處長吏遍
加搜訪津致赴闕朕當量才任使兼僞庭僭逆以來凡有
冤抑沈滯之人宜並特與申雪仍加遷陟封遺冢而葬枯
骨義出周王祀名山而祭大川禮傳虞帝旣立規於前古
足垂訓於後昆應所在賢士邱墳並仰聞奏當議封樹或
有暴露骸骨亦委逐處葬埋或有百神祠宇不得有虧時
祭應德音內有節文不該者並仰所司重具起請分析聞

奏當議施行於戲患難以平咸自忠良之力瘡痍未息宜施撫育之恩更在文武元臣中外耆德覩覆亡而立戒竭忠蓋以爲謀無縱驕矜須知廉慎同致昇平之道永全開創之功布告遐邇當體朕懷

減膳宥罪德音

蓋聞兵者凶器戰者危事故聖王不得已而任之是以大兵之後必有凶年朕自收復汴州戡定蜀郡雖當時秋毫無犯而已前乃十載勞師每歲傷痍寧無災沴言功於己曾莫繼於百王語德於人況未洽於兆庶遂至去歲水潦

爲災自京以東幅員千里田疇悉多荒廢人戶未免流亡
賦租旣輸納不充軍食又轉運未及物價騰涌人心煎熬
旣視人以如傷每敬天而忘戒朕近欲親幸梁宋徧恤生
靈又恐大駕省方百司云從道途寧免勞擾州縣復備供
承轉慮凋殘莫知攸濟朕自今月三日已後避正殿減常
膳徹樂省費以答天譴應同光三年經水災處有不迨及
逃移人戶差科夏秋兩稅及諸折配色委長吏切加點檢
並與放免仍一年內不得雜差遣見在者加意撫恤流徙
者設法招攜其田宅無任有力人戶占射及隣近毀拆務

令歸復以惠傷殘且念給養兵戎撫綏疲瘵冀連營而粗
濟思比屋以乂安危困生靈倍懷憂切近者爰頒御札務
切濟時有所便宜朕無不聽近歲賦稅尚恐懸闕遠年逋
欠豈可督征不惟虛係於簿書兼亦轉困於生聚致其流
散職此之由應壬午年已前百姓所欠秋夏殘稅及諸色
課利錢物先有勅文悉已放免近聞或不遵守依前却有
徵收仰下租庸司及諸道州府切準前勅處分如或更有
違越任百姓詣闕論訴當議勘窮以定贓罪其同光元年
當戰伐之後是平蕩之初人戶流離多未復業困於租賦

須議矜蠲其諸色殘欠差稅及不迨係官課利並與放免
分明曉告各遣聞知又輦轂之中郊甸之內時物涌貴人
戶饑窮訪聞自陝以西遐及邠鳳積年時熟百穀價和縱
未能別備於貢輸亦宜廣通於糶糴近聞輒有稅率已曾
降勅指揮尚慮關鎮阻滯行人增長物價仰所在長吏切
加檢勘以濟往來推救災恤患之心明奉國憂人之道又
京圻之內自全義制置已數十年每聞開墾荒蕪勸課稼
穡曾無歉歲甚有餘糧公私貯蓄極多收藏未肯出糶欲
俟厚價頗失衆情宜令中書門下條流應在京及諸縣有

停貯斛斗並宜減價出糶以濟公私如不遵行即仰聞奏
別具檢括仍委河南府切詳勅命處分伐罪弔人旣叶前
王之令推恩布澤敢忘當代之憂應三川管内王衍父子
僞署將相文武官及諸色職吏等除罪名顯著已從刑憲
外脅從者固是無辜同惡者亦以歸命一切釋放更不勘
尋仍不得將今日已前事敢有告論貴宣曠蕩之澤以安
反側之心我國家奄有四海垂三百年西至日入罔不來
賓凡有遐方皆我赤子久陷僭僞寧無悶嗟應三蜀管内
百姓除秋夏兩稅及三司舊額錢物斛斗并繼岌崇韜申

奏減落徵收外所有無名配率急徵橫斂毒害生靈者更
委本道新除節度使上後於管內一一檢勘細具聞奏當
與放免俾惠傷殘應在京及天下州府凡有繫囚除十惡
五逆官典犯贓屠牛鑄錢光火劫舍持刃殺人準律常赦
不原外合抵極刑者遞減一等並貸餘生其次罪等悉與
減降䟽理釋放不得久有禁繫自同光元年後或有犯罪
流人情非巨蠹者並許歸還應行營及在京諸軍皆役官
健偶因過犯便至奔逃懷憂懼以離家忍饑寒而在外事
非在已情亦可矜委所在如有此色人切加招撫或要却